



Universitätsbibliothek Paderborn

**Gallia Vindicata, In Qua Testimoniis Exemplisque
Gallicanæ Præsertim Ecclesiæ, Quæ Pro Regalia, Ac
Quatuor Parisiensibus Propositionibvs A Ludovico
Maimburgo, Alijsque producta sunt, Refutantur**

Sfondrati, Celestino

[Ort nicht ermittelt], MDCLXXXVIII.

10. Episcoporum Galliæ in Ludovicum I. Imperatorem.

urn:nbn:de:hbz:466:1-38277

Clausulas; jam suprà ostendinus, eum Gregorium fuisse, qui & obsequi sciret & imperare, & cum necessitas posceret, modestiam severitati jungerebat.

X. Anno DCCCXXIII. In Ludovicum Pium Imperatorem Pipinus, Lotharius, & Ludovicus filij armantur. Causa pudendi belli ambitio; jamque acie congregati paratis Gregorius Papa, qui ex Italia advolaverat, pugnam diremit: sed eo digresso bellum iterum, litesque accensae. Conventus Episcoporum Compendij habitus; illie Sacerdotum auctoritate Imperium Ludovico ademptum, & Lothario filio traditum. Audi annales Francorum ex Bibliotheca Pitchœi editos, qui sententiam ab Episcopis latam ita referunt: *Omnibus in Christiana Religionē scire convenit, quale sit ministerium Episcoporum, quos constat esse Vicarios Christi, & Clavigeros Regni Cœlorum, &c.* Et infra: *Pronde notum esse necessarium duximus, qualiter nos Episcopi super Imperio Domini Lotharij Imperatoris constituti memoratum Principem humiliiter audivimus, & hoc quidem illi, seu Optimatibus ejus, seu omni generalitatì populi, quæ undique illuc confluxerat, manifestari curavimus, qualis fuīrōgō & potestas, seu ministerium Sacerdotale, & quali meretur damnari sententia, qui monitis Sacerdotibus noluerit obedire.* Et infra: *Sed quia idem Princeps Ludovicus ministerium sibi commissum negligenter tractauit, & multa, quæ DEO & hominibus dispergit, fecerit, & facere compulerit, & in multis nefandis consilijs Deum irritavit, & populum sibi subiectum ad generalem interitum contraxit, & ab edivino justōque iudicio subito Imperialis sit subtracta potestas, nos tamen, &c.* Vides, quid Episcopi Galliae lenserint de Ecclesiastica in Regna potestate. Et quamvis postea (a) hoc Decretum, ut Æmilius & Marianus Scotus notant, auctoritate Gregorij Pontificis rescissum fuerit, & Juditha Augusta Imperio & thoro restituta, ac Lugdunensis Archiepiscopi temeritas multata, imò ab omnibus ferè Gallis execrationi habita; non ideo id fuit, quod negarent, hanc esse in Ecclesia potestatem, sed quia, ut loquitur, quires gestas Ludovici tunc temporis conscripsit, pro his, de quibus jam paenitendum gesserat Imperator, iterum publicā paenitentiā judicaretur. Cum ne forentes quidem leges contra unam culpam semel commissam bis invehant vindictam, elūque absentem & inauditum, neque confidentem, neque convictum adjudicarunt. Ubi vides, non esse de potestate, sed de abusu querelam; imò Ludovi-

Aaaa 2

(a) Baron. ad ann. 833.

cus, quamvis exercitus affluerent, constaré que injustam esse sentiam, & urgeretur totius Galliae votis in thronum redire; ut tamen palam faceret, quantum ipse potestatis Ecclesiasticae deserieret, noluit nisi Episcoporum manibus Coronam recipere, gladioque accingi. Sic enim auctor vitae Ludovici: *At vero ī, qui cum Ludovico remanserant, cum ad recipiendas Imperatorias Insulas hortabantur, sed Imperator nequaquam propere eorum voluit sententie acquiescere, sed Episcopali ministerio voluit reconciliari, & per manus Episcoporum armis accingi consensit.* Agnovic ergo Ludovicus, esse in Ecclesia potestatem, quae Imperatores moveat noxios Religioni; idque in Gallia adeò receptum fuerat, ut non solum Ludovicus Imperator, sed postea etiam Carolus simplex id agnoverit; cùm enim anno DCCCXCVIII. cum Normannis tunc temporis idolorum servituti addictis fœdus contra Odonem Franciæ Tyrannum pararet, Fulco Archiepiscopus Rhemensis, pietate & doctrinâ celeberrimus, re intellectâ Carolum ab incepto revocat, minatus, nisi impio fœdere absistat, se numquam ei fidem extiterum, sed & quoquinque posset, ab ejus fidelitate revocaturum, & cum omnibus Episcopis suis ipsum Regem aeterno anathemata damnaturum. Verba sunt ipsius Fulconis (a) apud Flodoardum. Paruit Rex salubria monenti, & DEUS in præmium auditi Sacerdotis Odonem æmulum Regniè medio sustulit. Coeterum circa utrūque observa, cùm Reges exauktorare, eorūque subditos juramento absolvere ad majores causas pertineat, & plerique torius Ecclesiæ aut quies, aut turbatio in eo vertatur; non posse rem tanti periculi à solis Episcopis suscipi, sine Romani Pontificis auctoritate, assensuque, ad quem in majoribus causis judicium & sententia pertinent; & in hoc quóque graviter ab Episcopis peccatum, qui Ludovico Imperium ademerunt; sed hoc ad abusum potestatis pertinet, de quo modò non disputamus, quis enim nescit, non idè privari potestate supremos Principes, quia aliqui eā abutuntur, alioquin omnis è mundo potestas proscribenda, quia vix aliqua non abusu fœdatur: id verò perindè esset, ac si oculos linguamque omnibus adempta velis, quibus homines toutes delinquunt; majori pernicie, quam remedio. Subinde tamen silentium & approbatio Pontificis Romani pro assensu fuit, quod etiam in sequenti exemplo observa.

(a) Flodoard. lib. 4. cap. 5.

XI. AM